



ハ 6
190
20



文帝全書

卷三十九之卷四十
躬行心懺 文昌心懺

八和⁵
190
20

門
號 190
卷 20



文帝全書外函卷三十九

目錄

躬行心懺

啟懺四讚

進懺上文帝表

敦本章第一

同氣章第二

致和章第三

忠敬章第四

立心章第五

慎言章第六

果敢章第七

濟困章第八

祈禱章第九

祈斗真言

開心咒

幹運元君四誥

躬行心懺一卷。幹運秦元君著。吳江金道寄傳筆。

文帝全書外函卷三十九

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

璇璣幹運祈祿求嗣躬行心懺

啟懺四讚

然燈讚

初然臘炬。放大光明。靈心不昧。共澄清。塵念不重萌。掃

蕩凡情。太上大丹成。志心皈命。慈光普照天尊。

焚香讚

香焚寶鼎。炁達玄穹。神人合一。謁瑤宮。隨處顯神通。蘭篆凌空。萬聖會丹衷。志心皈命。傳忱達悃天尊。

正氣讚

穢氣消散。呼吸玉清。綿綿不絕。自通靈。蘭蕙共氤氳。蕩滌妖氛。元始自逢迎。志心皈命。一炁元始天尊。

開懺讚

口宣瓊笈。心契圓明。慈光普照。救羣生。大法顯威靈。聽

則無聲。寂感自通誠。志心皈命。常清常淨天尊。

元君進懺時上文帝表

伏以聖教淵深。濁世誰能醒悟。天心惻怛。慈航難度。昏迷俗夫。懷利以求哀。罔知改過。下士圖名。而拜禱。枉謂虔誠。苟不洗心。終遭罪戾。臣誠惶誠恐。稽首頓首。上言竊惟天不愛道。人人得以修為。罪必誅奸。在在皆彰。報應殊良心。而瞞天地。固入輪迴。滅倫道。以習妖邪。尤居黑獄。回首家鄉。不見到頭孽報。難堪。彼時學道無因。卽使悔心莫及。與其度鬼。而惡孽難消。曷若勸人。而善根

易固其奈儒書萬卷。只爲求祿之虛文。道德千言。僅作
讓災之口訣。雖能誦讀。孰肯尋思。未有人心日下。至道
時衰。如今日者也。茲蓋伏遇元皇帝君殿下。日月宗師。
天人依仗。司嗣籍以昭報。定名祿而旌揚。一十七世之
修爲。全家了道。億千萬種之功德。四極尊王。道妙而立
之。又立位尊已上。極無上。乃猶聖不自聖。恆諮詢於羣
臣。以至慈而益慈。每太息夫塵世。冀士人之獲悟。特示
鸞書。憐俗子之無知。復垂寶訓。臣才非濟世。功不匡時。
體天地好生之心。顧愚民而莫忍。會神祇罰惡之律。喻

斯世以知驚。使禮斗而懺前非。或誦文而修新福。爰著
懺以垂千古。希悟理於斯一時。伏願允假鸞書。鼓勵朝
真之士子。更祈準那嗣籍。竝酬懺罪之凡夫。從此考過
稽功。易愚蠢而聰穎。旌善勸俗。轉禍患而禎祥。法顯人
間。功成天上矣。臣等無任瞻天仰聖。激切屏營之至。謹
奉表稱進以聞。

宣畢入懺

敦本章第一

蓋聞大道無爲。功行必基於報本。天心可格。修持尤貴

乎娛親。故孝弟之至。通於神明。而愛敬之忱。矢於夙夜。天無忘本之仙。地有賊倫之獄。竊念弟子某等。幸廁儒林。希修人紀。顧士全百行。立孝爲先。卽學富五車。敦倫爲要。回思父母。顧我復我。生身不惜劬勞。今對晨昏。養焉勞焉。備物難酬。罔極。何期具妻子而孝衰。亦有待顯揚而親老。旣獲罪於父母。必昭報乎子孫。今幸科傳玉匱。猛省前非。敢不嚴滌塵心。以懺積過。心悔從來之罪。誓無再犯之愆。伏願黑簿除名。丹臺註籍。俾得科名早遂。以悅親心。更祈後嗣綿長。得承先祧。庶幾無慚子道。

猶堪仰合天心。實憤憾而深自誅。非勉強以邀神聽。幸帝天之降鑒。真僞攸分。洗塵垢而籲哀。神明昭格。苟非遙叩。曷達虔誠。翹首金光。志心稱拜。

志心皈命禮

以下聖號每拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡音運元君

蟾宮桂殿列祖先師

雷霆三十六罡諸大天君

地祇殺伐太歲殿大天君

監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。

北極中天急斗星君

當生本命元辰星君

地祇太歲殷大天君

北極壇主費祖天尊

同氣章第二

蓋聞大道凝乎一氣。機籟應於同聲。故手足深情。孰如同父。而友恭至性。端在因心。竊念弟子某等。幸廁儒林。希修人紀。觀杖杜之葉。悲切獨行。玩常棣之華。心怡既翁。彼孺穉。尚有分梨讓棗之儀。詎骨肉致興。菘豆然其之歎。不念凡今。莫如兄翁。遂有安寧不及友生。今幸科傳玉匱。猛省前非。敢不嚴滌塵心。以懺積過。從茲克念天顯。期為和樂之湛。不廢懿親。迭協堦簞之奏。常念友于。克全式好。伏願名銷黑簿。籍註丹臺。戒已往之尤。篤

將來之慶。實憤憾而深自誅。非勉強以邀神聽。幸帝天之降鑒。真偽攸分。洗塵垢而顛哀。神明昭格。苟非遙叩。曷達虔誠。翹首金光。志心稱拜。

志心皈命禮 以下聖號每拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

文帝全書 卷三十一
監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。
北極中天急斗星君
當生本命元辰星君
地祇太歲殷大天君
北極壇主費祖天尊

致和章第三

蓋聞大道造端乎夫婦。綱常首重夫閨門。詩詠同心。何異陰陽之澤。易譏反目。能乖天地之和。竊念弟子某等。幸廁儒林。希修人紀。有懷古處。兄弟樂其昏姻。式昭德音。琴瑟宜於靜好。蓋內助關門戶興衰。而正室則家人和睦。若士女乏雞鳴昧旦之風。或哲婦有司晨階厲之禍。既傷和氣。遂失天心。今幸科傳玉匱。猛省前非。敢不嚴滌塵心。以懺積過。回思惟家之索。敢不相敬如賓。伏願名銷黑簿。籍註丹臺。消一時之睽。偕百年之老。俛得

家門興起。人眷康寧。實憤憾而深自誅。非勉強以邀神聽。幸帝天之降鑒。真偽攸分。洗塵垢而籲哀。神明昭格。苟非遙叩。曷達虔誠。翹首金光。志心稱拜。

志心皈命禮

以下聖號每拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。

北斗中天急斗星君

當生本命元辰星君

地祇太歲殷大天君

北極壇主費祖天尊

忠敬章第四

蓋聞傳道賴乎師嚴。進德資於友益。故氣求聲應。當思不諂不瀆之交。而甘壞淡成。深厯得朋喪朋之慮。竊念弟子某等。幸廁儒林。希修人紀。念麗澤擇出門之功。思盍簪得同心之臭。嚶鳴求友。神聽享其和平。安樂棄予。風雨將其恐懼。或且忘我大德。竟至比之匪人。既為同方。合志之儒。不免情疎貌親之盜。枉班荆而贈縞。豈攻玉而斷金。茲幸科傳玉匱。猛省前非。敢不嚴滌塵心。以饑積過。從此高山仰止。親入室之芝蘭。庶幾將伯助予。

獲同人之講習。伏願名銷黑簿。籍註丹臺。絕市道之燕朋。得觀摩之畏友。俾惡人遠遁。義士遭逢。實憤憾而深自誅。非勉強以邀神聽。幸帝天之降鑒。真偽攸分。洗塵垢而籲哀。神明昭格。苟非遙叩。曷達虔誠。翹首金光。志心稱拜。

志心皈命禮 以下聖號每拜必冠此句

昊天金闕玉皇大天尊玄穹高上帝
承天效法后土皇神地祇至德承天大帝
摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。

北極中天急斗星君

當生本命元辰星君

文帝金書 卷三
地祇太歲殷大天君
北極壇主費祖天尊

立心章第五

蓋聞大道出乎天而具乎心。萬惡長於貪而生於欲。故清明自通於法界。而營謀卽入於陰私。當其善惡未分。地獄天堂何在。迨夫公私旣判。仙鄉鬼域由來。竊念弟子某等。幸廁儒林。希修人紀。念聖賢千言萬語。要在收心。卽佛仙說法傳經。無非見性。惟能直內而方外。斯可通德而類情。雖無欲無畏。天下一人。而有忍有容。其德

乃大。苟道心不定。不勝夫人心。卽人道不修。何望於仙道。致輪迴於身後。悔曖昧於當前。今幸科傳玉匱。猛省前非。敢不嚴滌塵心。以懺積過。從茲天君克泰。百體自從。若使主人能惺。六根可伏。伏願各銷黑簿。籍註丹臺。俾得正大光明。滿腔子無非惻隱。不致卑污狹隘。寸田內盡剪荆榛。離火宅之前熬。近澄潭之清朗。實憤懣而深自誅。非勉強以邀神聽。幸帝天之降鑒。真偽攸分。洗塵垢而籲哀。神明昭格。苟非遙祝。曷達虔誠。翹首金光。志心稱拜。

志心皈命禮以下聖號每拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣幹運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。

符圖司錄之師真。早證虛無上道。傳經司教之仙職。同登自在天宮。稽首投忱。志心稱念。

北極中天急斗星君

當生本命元辰星君

地祇太歲殷大天君

北極壇主費祖天尊

慎言章第六

蓋聞一言利物。能回天地之春。片語傷和。足損生平之福。故啟羞致戒。有口必緘。而無易時操。其辭斯寡。竊念

弟子某等。幸廁儒林。希修人紀。知好莠發於寸心。而應違判於千里。華而不實。尚口必至。乃窮言之不文。括囊斯可無咎。苟非倫脊而有要。安能輯懌而成章。屬垣儆於風人。戒其出反。捫舌箴於大雅。慎爾樞機。招尤實可懷慙。取侮多因不慎。今幸科傳玉匱。猛省前非。敢不嚴滌塵心。以懺積過。舌尖招禍。曾經斷體之刑。口角生春。亦有回天之力。茲消既往之業。誓無再犯之愆。伏願黑簿除名。丹臺註籍。舉嘉謨以益世。稱道法以勸人。非禮勿言。從今請事。非法不道。自昔昭垂。實憤憾而深自誅。

非勉強以邀神聽。幸帝天之降鑒。真偽攸分。洗塵垢而
顙哀。神明昭格。苟非遙叩。曷達虔誠。翹首金光。志心稱
拜。

志心皈命禮

以下聖號每拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣幹運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙

二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。

北極中天急斗星君

當生本命元辰星君

地祇太歲殷大天君

北極壇主費祖天尊

果敢章第七

蓋聞道必勤修。而後得全於己。過惟速改。方能不失乎
時。故君子建自強不息之功。而學業深半途而廢之惜。
竊念弟子某等。幸廁儒林。希修人紀。志可帥氣。毋見義
而不爲。性以正情。旣當仁而誰讓。負遺大投艱之望。疑
勿能成。抱先庚後甲之思。緩必有失。若因循怠惰。日月
其除。不勇往奮興。韶華逾邁。爲山雖覆一簣。可冀齊山。
掘井卽至九仞。猶爲棄井。老冉冉其將至。心皇皇如有
求。悔悠忽於當時。誓果敢於今日。茲幸科傳玉匱。猛省

前非敢不嚴滌塵心。以懺積過。苟修持之不力。將墮落
 以難迴。既悔前愆。必圖後業。伏願名銷黑簿。籍註丹臺。
 易已往之轍。著未來之鞭。俾得奉行衆善。臻集千祥。實
 憤憾而深自誅。非勉強以邀神聽。幸帝天之降鑒。真偽
 攸分。洗塵垢而顙哀。神明昭格。苟非遙叩。曷達虔誠。翹
 首金光。志心稱拜。

志心皈命禮

以下聖號每拜必冠此句

昊天金闕玉皇大天尊玄穹高上帝
 承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙 二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾懺罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同
登自在天宮。稽首投忱。志心稱念。

北極中天急斗星君

當生本命元辰星君

地祇太歲殷大天君

北極壇主費祖天尊

濟困章第八

蓋聞博施濟衆。雖曰聖者猶難。救困扶危。安見仁心盡
泯。故鄰里有相周之義。而親朋無漠視之情。竊念弟子
某等。幸廁儒林。希修人紀。通天下之志。常以萬物得所
爲心。憫斯世之窮。每以一夫不獲爲恥。况緩急人所時
有。而有無義可相通。雖鄉鄰之鬪。不必披髮纓冠。而匍

匄之投。可無怵惕惻隱。若人皆袖手而旁觀。豈不傷好
生之大德。今幸科傳玉匱。猛省前非。敢不嚴滌塵心。以
懺積過。從茲民胞物與。其見天地之心。推食解衣。不作
喫咻之惠。量力濟人。推恩及物。伏願名銷黑簿。籍註丹
臺。普救濟之熱腸。施見聞之援手。已經悔過。能不圖功。
實憤憾而深自誅。非勉強以邀神聽。幸帝天之降鑒。真
偽攸分。洗塵垢而顙哀。神明昭格。苟非遙叩。曷達虔誠。
翹首金光。志心稱拜。

志心皈命禮

以下聖號每
拜必冠此句

昊天金闕玉皇大天尊玄穹高上帝

承天效法后土皇神地祇至德承天大帝

摩利支天大聖圓明道母天尊

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

地祇殺伐太歲殷大天君

監壇將使隍司里社一切神祇

九天宣化魁斗星君

某天君

某真仙

二位稱禮
各降本師

以上三位求祿煉筆者稱禮

靈父聖母胞胎一炁天君

桂宮定生續嗣真官

送生保產高大元帥

以上三位祈嗣者稱禮拜畢跪念

復聞君親而外。師道獨尊。覺我迷途。引人正道。俾戩罪
弟子某等。得離地獄。漸近瑤臺。誠垂百世之恩。擬報終
身之德。伏願執籍仙郎。同登天闕。監書效職。共沐清輝。
符圖司錄之師真。早證虛無上道。傳經司教之仙職。同

登自在天宮。稽首投忱。志心稱念。

北極中天急斗星君

當生本命元辰星君

地祇太歲殷大天君

北極壇主費祖天尊

祈禱章第九

蓋聞三十三天之天宮。人人可到。一十八重之地獄。劫
劫堪悲。故爲鬼爲仙。悉由心造。得名得壽。皆自天申。我
今稽首投誠。依訓回心。懺罪伏願。名銷黑簿。籍註丹臺。

文帝全書 卷三
三
赦已往之愆。賜將來之福。俾在堂之父母。增福添齡。過世之宗親。超凡入聖。使弟子某等。靈明煥發。智慧洪開。早遂科名。克亨仕路。誓不貪污暴虐。妄害生靈。更期勤儉公忠。報酬知遇。既悔從前之惡。永無已後之愆。更祈子嗣綿長。夫妻偕老。消盡心中乖戾。迎來天上嘉祥。一門老幼康寧。四季凶災消滅。仙緣有分。鬼道無因。弟子虔誠。瞻天上懇。入意情悃已達。天聽遙聞。翹首金光。慇懃拜禱。

志心皈命禮

摩利支天大聖圓明道母天尊

三稱三拜跪念

復聞天皇地后。惟誠叩以能通。日帝月皇。乃祈求而斯應。移凶作吉。轉禍成祥。弟子凡忱。已蒙昭格。更祈執籍仙郎。同登天闕。監書效職。共隸清輝。符圖司錄之師真。早證虛無上道。傳經司教之仙職。同登自在天宮。聖德有加。凡情無極。稽首頓首。虔誠回向。

昊天金闕玉皇大天尊玄穹高上帝

承天效法后土皇神地祇至德承天大帝

瑤天星主紫微大帝延生保命天尊

玉斗左宮高上玉皇尊帝太靈八景元君

玉斗右宮北極玄卿大帝太素七宸元君

日宮天子太陽帝君

月府太陰皇君

北斗九皇解厄星君

南斗六司延壽星君

東西中正三斗星君

周天躔度列宿星君

太乙救苦天尊青玄上帝

九天應元雷聲普化天尊

三元三品三官大帝賜福赦罪解厄天尊

北極玄天真武上帝金闕化身蕩魔天尊

七曲文昌元皇帝君消劫行化更生永命天尊

九天聖母紫姑妙應元君

文昌校錄教主雷霆赦罪主司大闡妙化天尊

斗府璇璣斡運元君

蟾宮桂殿列祖先師

雷霆三十六罡諸大天君

帝律令勅。

此咒鍊筆者用之。久久默誦。卽得心開慧發。廣記博覽。日試萬言。倚馬可待。更能體行心懺九章。卽可無求不應。凡我同志。幸共勉旃。

斡運元君四誥

玉帝錫誥

無爲上天。湛寂宮中。保仙眷於東吳。衛法身於西蜀。顯時時之靈應。行在在之權宜。誅謗道而役蠻雷。討妖邪而驅熒惑。稽功考過。掌祿籍於文昌內宮。增齡續嗣。衡

冊書於立天上殿。至靈至感。至德至嚴。斗府斡運元君。清真大節仙后。瑤天啟教。大法真君。興行妙化天尊。

星主錫誥

佛國慈航。法門慧劍。斬億千萬劫之妖怪。度二十四類之幽靈。考真僞之凡心。合報施於天意。掌嗣籍而有準。衡仙鬼以無私。至德頻施。宏仁莫測。大願濟度真人。厚德無疆天后。斗府斡運。天雷應感。妙道元君。

斗母錫誥

先天毓秀。紫炁分元。受玉質以借凡胎。返靈光而昇天。

文帝全書 卷三
闕正人心於金簡。扶法力以丹經。安鎮瑤臺。幽魂超度。恩施北極。精怪皈依。奮霹靂以誅邪。衛閭浮而度厄。大悲大願。救劫救危。璇璣斡運。九天衛生。廣嗣延壽。司祿妙應元君。

元皇錫誥

瑤池上哲。北闕仙貞。掌桂祿於經書。司嗣籍之報應。會四極雄文於東壁。運五雷號令於丹天。有感必孚。無求不應。至靈至顯。宏仁哲后。九天斡運。妙化元君。

文帝全書外函卷四十

目錄

文昌帝君序

孚佑帝君序

文昌侍史黃道周序

文昌心懺

修身立行章第一

定性養神章第二

孝弟爲行仁之本章第三

敦書說禮章第四

崇儒學闢異端章第五

成已成物章第六

培養元氣章第七

積善修德章第八

出身加民章第九

好問不倦章第十

補亡闡微章第十一

處富不驕處貧不諂章第十二

御下以寬持躬以謙章第十三

人禽之分夢醒之別章第十四

奢焉寧儉喪焉寧戚章第十五

不偏不倚無過不及章第十六

見其大則心泰心泰則無不足章第十七

慎幾微凜獨知章第十八

擇善固執之謂誠章第十九

素位而行章第二十

有諸已而后求之人無諸已而后非之人章第

二十一

擴充其本然之量章第二十二

必有忍其乃有濟有容德乃大章第二十三

有道則見無道則隱章第二十四

言不妄發發必當理章第二十五

祖宗雖遠祭祀不可不誠章第二十六

養不必豐要於孝利雖不得博於物要其心之

厚于仁章第二十七

年長以倍則父事之十年以長則兄事之章第

二十八

時止則止時行則行章第二十九

子孫雖愚經書不可不讀章第三十

居必擇隣交必擇友章第三十一

慎終于始章第三十二

如臨深淵如履薄冰章第三十三

上天之載無聲無臭章第三十四

玉局真官杜長春於康熙庚申著玉局心懺至乾隆
己丑宣示帝訓三十四章題曰文昌心懺錄爲一卷

文帝全書外函卷四寸

文昌帝君序

憶昔甲寅歲。命玉局真官杜長春。敬演玉局心懺一部。荏苒歲月。數閱寒暑。降而至今。人心日偷。風俗日薄。余甚憫焉。豈余教之有所不逮乎。抑民之情至此而一變乎。余蒿目時艱。傷心法敝。幸秉爇之攸在。覩世道之淪胥。遂演此經。名曰心懺。昭示世人。法乎此。則為聖賢。不法乎此。則為愚不肖。在覽之者。觸目而警心。余焉能現身說法哉。世人莫謂余舍儒教而導之以道籙。要皆語

語本之經傳也。乾隆己丑孟冬望日論

孚佑帝君序

蓋聞天無私覆。地無私載。日月無私照。雨露無私隊。聖賢奉此無私之心。著書立說。以開化愚蒙。不過引人漸歸於正。不忍覩其自暴自棄耳。予本儒家子。素不諳玄宗。晚參大道。得契宗旨。豈漫無理道而妄言飛昇哉。其源本於孝悌忠信。德性問學。方得脫離塵垢。神遊宇內。奈世人不察。謬謂神仙可冀。夫神仙何嘗不可冀哉。源之不清。流而自濁。本之不立。枝何以茂。故聖賢垂訓。教

人敦行孝弟。所以先務其本也。予憫世之愚昧。降示乩筆。若隱若現者。體聖人胞與之懷。以覺世耳。而不知者。誣爲虛誕。抑思天地神祇。昭布森列。安用此無稽之談哉。故帝君首言誠意。不誠身何以修。聖賢教人誠意。在毋自欺。予也身列仙班。位爲卿相。豈猶世之術家者。流挾其術。以自欺而欺人乎。遂乃拜手稽首而作頌曰。聖訓煌煌。闡發綱常。如夜之鐘。如日之光。喚醒爾夢。洗滌爾腸。五千道德。去邪彰彰。不用斧鉞。民皆善臧。

石齋先生序

長春子昔演玉局心懺。余曾爲之跋。今降乩于此。宣示帝訓。余正容而讀。曰。帝君之言。正人心也。維綱常也。孔孟之書。尙存。濂洛之風。未泯。乃引人入于道籙。不幾疑其狂夫語怪。近于史祝之間乎。然世人日對天地。日事鬼神。猶不知儆惕。不鼓之以雷霆。不動之以風雨。則民不興。始以三清。存無極也。尊以上帝。崇主宰也。繼以日月星辰。昭法象也。次及司化神祇。赫赫聲靈。彰賞罰也。儼然天地鬼神。臨之在上。質之在傍。使人孝弟廉恥。仁義道德。頓起于身心。不猶之藥石鍼砭歟。世道至今去。

古遠矣。四書六經。僅作文字之觀。先哲格言。竟成游戲之談。若不激揚其志氣。開豁其心胸。則是入虎穴。不得虎子。探深淵。不得驪珠。又何以發人猛省。帝君此經。不作無稽之言。欲人去邪而歸正也。其懲忿窒慾之意深矣。其勸善紬惡之意嚴矣。乾隆己丑孟冬望日。文昌侍史石齋黃道周謹識。

--	--	--	--

文帝全書外函卷四十

仁和關 槐柱生增輯

文昌心懺

文昌玉局真官杜長春奉梓潼元皇帝君降勅人世開
 化羣愚敬宣帝訓昭示後生恭惟九天開化梓潼元皇
 帝君更生永命天尊殿下道參天地德邁伊周化育生
 成萬物咸沾其福澤俯仰上下四海共沐其鈞陶見下
 土之遭劫遂因物而啟蒙職幸列南宮校書玉局帝命
 昇子敬布心懺言言金玉字字珠璣不徒為禱祝之詞

文帝全書 卷四
循步趨之法。惟願弟子等衆。來到靈壇。祇承懺法。洗心滌慮。去舊謀新。絕貪癡之念。齋堅白之心。嗟乎。四子之書。習而弗察。五經之語。誦而不維。舉世羣趨功利。斯民盡入岐途。爰有梓潼元皇帝君。奏聞玉帝。頒示乩頭。挽狂瀾於既倒。濟赤子以再生物。與民胞儼然。天地同其覆載。振聾啟聵。何異日月竝其照臨。此真古今之奇遇。人世所希逢者也。弟子等衆。曷不專心向往。願學聖賢也哉。

爾時梓潼帝君。在玉虛之境。九天之上。照見蚩蚩之衆。

不忠不孝。不友不弟。淫人之妻。誑人之財。妒人之能。嫉人之有。種種貪念。邪念。自欺念。輾轉糾纏。爰喟然歎曰。愚哉我民。何昏昧至此。不忍覩其沉於慾海。遂演此心懺。以救淪胥。

修身立行第一章

帝君曰。修身者。百行之源。身不修。非禮非義。日陷溺而不覺。顧欲修身。必先正心。人之一動一靜。皆由於心。心有所主。作止語默。不敢蕩檢踰閑。譬如飛鳥之集。廻翔審視。樂于此。則止于此。如走獸之棲。宅幽勢阻。擇于此。

則安于此。然非易易也。意之不誠。源不清矣。源不清。則流必濁。是在誠其意之所發。藏焉修焉。息焉游焉。時而省察。時而克治。私欲去而天理沛然。意皆真實。无妄。然後其言忠信。其行篤敬矣。故誠意正心。為修身之要道。

定性養神第二章

帝君曰。人之耳目手足。四端具焉。萬理備焉。其氣充滿于天地。其神發揚于宇宙。乃昭昭者有時而昏。炳炳者有時而昧。氣稟拘而物欲蔽。遂失其本然。故孟子有持其志無暴其氣之學。老子有澄其心而神自清之言。此

真勿忘勿助。養如木雞。不睹不聞。形同璞玉。然後內志正。外體直。手容由是而恭。足容由是而重。耳目由是而聰明。但收斂其心志。非束縛其官骸。漸而進焉。下學因之上達。困勉造于生安。希聖希天。不假強為矣。

孝弟為行仁之本第三章

帝君曰。人之初生。有男女。即有夫婦。有夫婦。即有父子。君臣上下。由此生焉。父慈子孝。兄愛弟敬。夫和婦順。君禮臣忠。庭闈之內。朝廷之上。肅肅雍雍。然後萬姓和樂。四海清寧。耆老以壽終。幼孤得遂長。皆和氣所積而致。

苟反其道。父子乖離。兄弟忿爭。夫婦反目。君臣猜疑。雨
暘不時。菽麥不登。盜賊蠡起。疾疫頻仍。人民離散。老幼
失所。皆戾氣所積而成。故王者教人。敦行孝弟。辨別男
女。居上以寬。處下以敬。家齊而后國治。昆蟲草木。無不
蒙其澤。鳥獸魚鱉。咸各遂其生。仁至義盡。自孝弟始也。

敦書說禮第四章

帝君曰。仁義之道。莫備乎書。朝而習焉。晝而講焉。口誦
心維。身體力行。則凡非禮勿視。非禮勿聽。非禮勿言。非
禮勿動。非先王之法。服不敢服。非先王之法。言不敢道。

非先王之德行。不敢行。然後進退有禮。俯仰有節。周中
規。折中矩。德盛而禮恭矣。苟或誦而不習。習而不察。則
愚而自用。賤而自尊。心則扞格而不通。學則膠柱而鮮
達。誦書而為書所誤。循禮而為禮所拘。斷難陋巷同居。
簞瓢自守。是孔孟之所羞。顏閔之所鄙者也。君子必以
仁義為根本。以詩書為輔導。不但尋章摘句。要在索隱
鉤玄也。

崇儒學闢異端第五章

帝君曰。聖賢之言行。可效可師。可法可守。其言平近無

奇其事委折可思。言不越乎子臣弟友。行不過乎動容周旋。日用飲食所不可離。愚夫愚婦之所與能。不必遠取諸物。固在近取諸身者也。乃或別開一途。私立一說。言大而夸。行僻而堅。初爲之。浩乎不知其津涯。久行之。茫乎不知其畔岸。是迷惑其心志。窒塞其聰明。驅而之畧。獲納而之陷阱也。夫義路禮門。成法具在。奈何出不由戶。行而舍路哉。是以君子慎所履。謹所視也。

志心敬禮

每句聖號俱冠此句

三清元始靈寶道德天尊

以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天尊

東嶽天齊大帝威權自在天尊

九天開化梓潼元皇帝君更生永命天尊 三拜

文昌左右一切仙官真宰真君

成己成物第六章

帝君曰古之聖賢先知覺後知先覺覺後覺天垂象聖

人則之地成形。聖人法之。伏羲畫卦。文王繫辭。皆以啟
迪後生。震開聾聵。故寧爲其勞。不爲其逸。寧爲益友。勿
爲損友也。聖人設教杏壇。大儒授徒鹿洞。懼斯文之將
喪。恐吾道之失傳。是以收覽遺編。參訂聖語。汲汲焉如
有不及。奈何世之俗儒。雕蟲小技。逞爲己長。押韻狂言。
矜爲獨得。試思孔孟之學。何在濂洛之風。奚存。乃不遵
其遺規。率其舊章。怠焉而不修。隱焉而不發哉。君子德
修於己。不可不闡教于世也。

培養元氣第七章

帝君曰。人之身體髮膚。受之父母。成之天地。宜戒嗜慾。節飲食。調寒暑。慎喜怒。一不致謹。疾病隨之。呼號牀第。宛轉枕衾。父母憂思。妻孥悲泣。不孝孰大焉。甚或非禮。非義之行。忍心爲之。不仁不智之事。甘心蹈之。身敗名裂。貽笑後人。含垢包羞。傳聞四國。不能顯揚其親。反戮辱其親。較之不能慎疾。又罪之大者。是以君子貴守其身。尤貴守其道也。詩云。慎爾出話。敬爾威儀。又曰。白圭之玷。尚可磨也。斯言之玷。不可爲也。此之謂與。

積善修德第八章

帝君曰。易云。積善之家。必有餘慶。積不善之家。必有餘殃。乃小人以小善爲無益而弗爲。以小惡爲無傷而弗去。故惡積而不可揜。罪大而不可解。君子則見善如不及。見不善如探湯。非必惕以地獄之報。後嗣之災。其于善之來焉。如好好色。惡之萌焉。如惡惡臭。寧行法以俟命。不行險以徼倖。嗟乎。天之報施。彰彰不爽。人之行爲。歷歷可據。能勿畏哉。詩曰。昊天曰明。及爾出王。昊天曰旦。及爾游衍。敬之敬之。日監在茲矣。

出身加民第九章

文帝全書 卷四十一
帝君曰古之聖賢不得其道則修身砥行多識前言往
行以畜其德既得其道則乘時濟世以己饑已溺之心
登斯民於衽席故孔席不暇煖墨突不得黔聖賢志在
蒼生且畏天命而憫人窮遂不敢自暇自逸任斯世滔
滔而莫之易卽或君相不聞時命不遇不能兼善天下
猶且不敢獨善其身栖栖皇皇轍跡幾遍矻矻孜孜死
而後已蓋民吾同胞物吾與也不忍一物失所一夫不
被如是焉非干澤矣

好問不倦第十章

帝君曰古之聖人聞善言則拜聽滄浪則勉欲修之已
必先求之人夫芻蕘亦有一得鄉校亦知善惡天子虛
己而聽歌謠太史問俗而採輶軒誠以下情必上達清
議必上聞也若自恃己長嗤笑人愚見人善而違之俾
不通逞己能而宣之若不及是不啻患得患失矣嗟乎
舜之與木石居與鹿豕遊陶于河濱漁于雷澤耕于歷
山取人之善以爲善與人之德以爲德開誠心如是宏
忠益如是何乃鄙夫自矜其巧自安其愚也哉

補亡闡微第十一章

文府全書 卷四
帝君曰。詩書之道。聖賢所以心心相印。脈脈相傳。教民敦厚。莫善于詩。教民莊敬。莫善于禮。移風易俗。莫善于樂。探微索隱。莫善于易。聖人問禮。老聃問官。郟子退而與其徒。纂修刪定。收佚補亡。罔敢怠逸。是以正樂之功。在于返魯。學易之後。尚需假年。蓋懼詩書之或失。恐道義之不傳也。倘散去六經。誹謗十哲。不畏天命。而侮聖言。是終于小人而已。君子則戒謹恐懼。不棄片紙。不遺隻字。或藏諸名山。或傳之其人。罔敢稍存褻玩。身列儒林。尚其效法君子。

志心敬禮

三清元始靈寶道德天尊

以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天尊

東嶽天齊大帝威權自在天尊

九天開化梓潼元皇帝君更生永命天尊 三拜

文昌左右一切仙官真宰真君

處富不驕處貧不諂第十二章

帝君曰。古之聖賢。有天下而不與。居富貴而不淫。然後貴者常保其貴。富者恒守其富。富貴福澤。天之厚我。以生。貧賤憂戚。天之玉汝。以成。高爵厚祿。不足傲人。泌水衡門。亦可自娛。苟富而驕。貧而諂。則是為富所誘。為貧所累。世固有入于貧富之中。仍超乎貧富之外者。奈何。以貧富為憂樂哉。其必曰。先天下之憂而憂。後天下之樂而樂。方為宇宙之偉人。與。

御下以寬持躬以謙第十三章

帝君曰。僕隸下人。皆秉天地之氣化而生。受父母之精血而成。同爲父子。猶是男女。豈有貴賤之分。高卑之別。固當教誨之。督責之。然亦宜調其寒暑。節其飲食。視人之子。猶己之子。視人之女。猶己之女。不以難能者。強其不能。不以難知者。強其不知。庶勞逸得其均。寬嚴得其道矣。至待人宜出于恭敬。處己須極其謙和。一恕終身可行。謙卦六爻皆吉。倘有自滿之心。傲物之志。則世人厭之。鬼神惡之。未有滿而不溢。高而不危者。君子一言一行。必循乎禮。一動一靜。必中乎節。然後措之天下可。

行放乎四海而準也。

人禽之分夢醒之別第十四章

帝君曰。人之所以異於禽獸者。幾希。然雁行有序。雞鳴有時。獺祭魚。豺祭獸。甚者虎狼知有父子。蜂蟻知有君臣。人而昧于君臣父子。禮義廉恥。是失其爲人之道。喪其本然之良矣。吾之教人。惟在將子臣弟友。忠孝節義。時時提撕。刻刻警戒。飲食笑語。儼然天地照臨。出入遊處。恍若鬼神鑒察。方自別於禽獸。不同腐於草木。人而何可如醉哉。何可不醒哉。詩曰。維此文王。小心翼翼。書

文帝全書 卷四
二
曰無怠無荒此之謂也。

奢焉寧儉喪焉寧戚第十五章

帝君曰。上古之世。民皆穴居而野處。衣毛而飲血。未聞有宮室之美。文繡之華。膏粱之味。絲竹之音也。後人不能追仰遺徽。遂爾雕文刻鏤。錦繡纂組。峻宇雕墻。極人世之富麗。猶爲未足。山珍海錯。極人世之肥甘。尙多未饜噫嘻。天之生物有盡。而人之嗜慾無窮。傷農事。害女紅。暴殄天物。勞費民力。有人心者。忍乎不忍乎。吾之教人。凡衣冠服食。器用舍宇。寧取其樸。毋尙乎華。寧爲其

簡。毋趨于文。至于冠昏喪祭。以及衣食棺槨。皆盡禮盡哀。必誠必敬。不得不可以爲悅。無財不可以爲悅。惟盡乎爲人之道。爲子之職。則豐殺各得其宜。事物各得其稱也。

不偏不倚無過不及第十六章

帝君曰。凡人之喜怒哀樂。以及愛憎取舍。各有當然之節。自然之則。其未發時。先得其中。已發時。又極于和。苟不得其正。而陷于一偏。不宜哀而哀。非所樂而樂。二者失。將無不失矣。若夫愛憎取舍。更有大焉者。偏愛子女。

兄弟必至相爭。偏憎下人。僮僕必至相殘。取之不以義。則爲貪夫。舍之不以道。則爲畏死。是以君子裁度至當。斟酌盡善。然後發于聲音。見乎容貌。如樂之奏焉。疾徐有節。如禮之行焉。進退有度。使人望而生畏。卽而生敬。詩云。言念君子。溫其如玉。蓋言君子協乎自然。循乎當然也。

見其大則心泰。心泰則無不足。第十七章

帝君曰。人生天地間。禮教名義。性命中原。有至樂存焉。故富貴不能淫。貧賤不能移。顏子之簞瓢陋巷。原憲之

蓬戶甕牖。終身不改其樂。不易其操。視區區之富貴。不啻浮雲。故好學不倦。絃誦不輟。若今之俗儒。不遇於時。不伸其志。則怨天尤人。傷時悼命。求而不能得者。必欲得之而後已。命之不能遇者。必欲遇之而後快。乞憐昏夜。獻策侯王。爲之而不恥。卽恥之而不改。是爲閭閻所笑。妻妾所羞矣。聖賢雖有己饑己溺之心。必藏器待時。豫順以動。斷無見衺衺之束帛。改弦易轍者。蓋其心泰然。獨見其大耳。尋聖賢樂處。其在斯乎。

志心敬禮

三清元始靈寶道德天尊以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天

尊

東嶽天齊大帝威權自在天尊

九天開化梓潼元皇帝君更生永命天尊三拜

文昌左右一切仙官真宰真君

慎幾微凜獨知第十八章

帝君曰。仁義禮智。一刻不可離。戒謹恐懼。一息不可寬。所謂造次必於是。顛沛必於是也。夫屋漏之中。莫謂無知。日月之所照臨。莫謂可欺。鬼神之所憑依。故功夫踏實。全在不睹不聞中。性命交修。全恃急遽。苟且時一念稍違。則精神渙散。一時偶錯。則道義頓亡。書曰。人心惟危。道心惟微。是以曾子曰。三省。顏子躬在克己也。學者由此而進。造乎聖域。何難哉。

擇善固執之謂誠第十九章

帝君曰。天下唯聖人能生而知之。安而行之。若中人惟

在兢兢焉。守其固有。保其天真。然後升高自下。陟遐自邇。進于道德之門。歷夫聖賢之級。苟不自勉。或畫于中道。或墮于末路。此皆不能發憤。自安卑陋。故望道德如登天。企聖賢猶觀海。詩不云乎。高山仰止。景行行止。果能進而不已。舉念卽是。卽目可尋。萬事萬物。不必求之遠。而在求之近。吾之教人。卽聖人之擇善固執。在察之精。守之固也。以此求誠。則得之矣。

素位而行第二十章

帝君曰。凡人宜循乎規矩。守乎禮法。富者自保其富。貧

者自安于貧。若不能居易以俟。小之非禮非義。大之爲盜爲賊。此身或陷于縲紲。或蹈于刑戮。上得罪于祖宗。下不顧其身體。是何異見白刃而不畏。近烈火而不知哉。吾之立教。惟在自安于義命。不喪其天良。存心養性。未得也。修身以俟之。既得也。保命以守之。斯爲素位而行之君子矣。

有諸己而后求之人無諸己而后非之人第二十章

帝君曰。凡民之行。以身先之。凡民之事。以身勞之。教民

力田。天子身先三推。教民慈愛。天子躬行孝弟。上有以道。下乃從而順之。苟不其然。惰慢邪僻。詭譎囂凌。則民不親不睦。不敬不忠。一家之內。父不父。子不子。朝廷之上。君不君。臣不臣。四維不張。國乃滅亡。千古聖賢垂訓。惟在身先率之。而民從之。故曰。上老老。而民興孝。上長長。而民興弟。舉凡仁義道德。廉恥羞惡。風行自上。而化及于下。則蚩蚩之衆。有所觀感。有所則倣矣。

擴充其本然之量第二十二章

帝君曰。仁義道德。天賦于人。人受之天。皆其固有。但不

能操存必至舍亡。是以牛山之木嘗美。而牛羊牧之則濯濯。及見其濯濯。而以為此山之性。夫豈其然。然在常人具此性。則潛而消之。聖人具此性。則引而伸之。猶之植一木焉。日加培養。益見其敷榮。日加斬伐。益見其枯槁。惟擴充其仁義之量。充滿其道。德之器。然後英華內蘊。光輝發越。暢于四支。發于事業矣。以是為美之至者。不亦可乎。

必有忍其乃有濟。有容德乃大。第二十三章。

帝君曰。凡人必貴有忍。忍一言則全一人。忍一事則全

其身。居家能忍。父子兄弟常見其藹然。治國能忍。君臣上下常見其秩然。一人忍而一人悅。萬人忍而萬人悅。其德豈不濟哉。又在有容。見人有善。不啻己之善。見人有得。無殊己之得。無一毫妒忌之心。無一點猜疑之念。如天之大。繫日月而覆萬物。如地之厚。載華嶽而振河海。然後出而治天下。舉賢才。任有德。四海蒸蒸向治矣。秦誓一篇。思休休之大。臣言可以保子孫。可以安黎庶。不然。朝廷何賴有此臣子。小民何賴有此長上哉。是以君子貴有容焉。有容德乃大矣。豈不休哉。

志心敬禮

三清元始靈寶道德天尊以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天

尊

東嶽天齊大帝威權自在天尊

九天開化梓潼元皇帝君更生永命天尊三拜

文昌左右一切仙官真宰真君

有道則見無道則隱第二十四章
帝君曰抱道之士豈必自甘淪落自安草莽哉。遇君明
臣良之時。苟不立朝以展其經綸。平居誦讀之謂何必
致君澤民。使其君爲堯舜之君。使其民爲堯舜之民。方
爲有體有用之學。設有不幸。當主暗臣愚之際。則奉身
而退。槃澗可以寤歌。衡泌可以棲遲。或著書自娛。以勸
戒後生。或耕田食力。以孝養父母。曾何異于爲政乎。故
合則畱。不合則去。士人立身之大節也。使處穢污而不
羞。觸刑辟而誅戮。其誰之過歟。

言不妄發發必當理第二十五章
帝君曰人之立言。或一言而垂教萬世。或一言而啟迪
羣愚。言固不可不慎也。聖人居鄉。其容恂恂。立朝。其言
便便。處不必言之地。則簡默。居當言之時。則論辯。惟時
然後言。故人不厭其言。易曰吉人之辭寡。躁人之辭多。
詩云好言自口。莠言自口。皆以戒人謹言。使是非從而
顛倒之。曲直從而變亂之。或惑于所聽。致喪其所守。如
藥之投。不辨寒熱燥濕。如瞽之迷。不知南北東西。由于
巧言亂德故也。居家少一言。則父子親。在國在一言。則

上下和。是以君子作止語默。悉合乎常度。然後言之者。諄諄而聽之者。疊疊。孔子曰。有德者必有言。諸生勉之。哉。慎爾出話。自然敬爾威儀矣。

祖宗雖遠祭祀不可不誠第二十六章

帝君曰。凡爲後裔。祖宗雖遠。平時宜有一片思慕之忱。父母雖沒。此心宜有一段愛敬之懷。蓋不忘其所自生。亦不忘其所由來。反古復始之道。宜然也。若逢時日。逢節候。或生辰。或忌日。享祀必豐。必潔。主祭必敬。必虔。所謂散齋七日。致齋三日也。昔吾夫子之聖。猶曰。吾不與

祭。如不祭。則其祭如在。祭神如神在。真誠之流露。至今猶躍躍紙上。當日之來格來享。概可知矣。故人子之事親也。親在固宜盡其孝。親沒尤當極其誠。然後無忝所生矣。小子勉之。

養不必豐。要於孝利。雖不得博於物。要其心之厚。

於仁第二十七章

帝君曰。事親貴在養志。不當但養口腹。故家貧菽水。可以承歡。斑衣可以娛親。若蹈於非禮非義。不忠不孝。雖有大烹之奉。不過以貌相承。惡得謂之孝哉。孝固不在

雞豚也。親不適意。或當食而歎。或投箸而起。則已失其爲子之職。爲人之道。而可以仰對吾父母乎。故養志誠大矣。若夫見有疲癯殘疾。憫獨鰥寡者。不必周之以財。濟之以食。中心恒懷一點哀矜之思。慈愛之意。是卽聖人老安少懷。與天地同其覆載者也。親親而仁民。仁民而愛物。擴而充之。王者保民而王。不外是矣。區區婦人之仁。何足道哉。諸生勉之。

年長以倍則父事之十年以長則兄事之第二

十章

帝君曰。先王教人。惟在親親長長。故疾行先長者。謂之不弟。徐行後長者。謂之弟。尊卑之別。長幼之序。人所不可不盡心也。孝其父。則父之伯叔兄弟。尤不可不敬。孝其母。則母之父兄姊妹。尤不可不愛。推而廣之。父之宗黨。母之周親。宜加意焉。不但此也。凡天下之老者。幼者。吾宜敬。宜慈。是卽孟子之老吾老。以及人之老。幼吾幼。以及人之幼。故曰貴老。爲其近于親也。敬長。爲其近于兄也。慈幼。爲其近于子也。先王養老之政。載之史冊者。班班可考。王者立政。首重養老。爾小子。可不知所敬乎。

勉之哉。毋忽斯言。

時止則止時行則行第二十九章

帝君曰。凡人在乎察言觀色。知者不失人。亦不失言。聖人與時偕行。時而宜動。聖人因之而動。時而宜靜。聖人隨之而靜。法天行之健。循環不已。立人倫之至。鼓舞盡神。其所以免于刑戮者。知難而退也。其所以見用于世者。見可而進也。有諸內。必形諸外。發而為言語。有本有文。行之為事業。有條有理。以及子臣弟友。聲音笑貌。皆有安舒之象。疾徐之宜。非存養有素。學問充足。焉能如

是爾。小子不效法聖賢。效法誰乎。

志心敬禮

三清元始靈寶道德天尊 以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天

尊

東嶽天齊大帝威權自在天尊

九天開化梓潼元皇帝君更生永命天尊三拜

文昌左右一切仙官真宰真君

子孫雖愚經書不可不讀第三十章

帝君曰。昔先聖之訓其子也。一曰學詩乎。再曰學禮乎。又曰。不學詩無以言。不學禮無以立。則是與觀羣怨。莫備于詩。儀文度數。莫詳乎禮。人而不學。不猶面墻而立。與吾之教人。尤在訓其子弟。父兄而嚴。不愧為父為兄之道。父兄而寬。已失為父為兄之職。人有子弟。驕奢淫佚。放僻邪侈。誰之過與。是以子弟聰俊。固不可縱。子弟闇弱。尤不可寬。况祖宗書香一脈。宜奕世流傳。不教其

子則書香自我而斬絕矣。不幾上負祖先乎。小子聽之。毋怠毋忽。

居必擇隣。交必擇友。第三十一章

帝君曰。昔孟母之教其子。近乎營作。孟子戲塗墍茨。近乎學宮。孟子戲陳俎豆。聖人所以有性相近。習相遠之訓。倘不擇隣。則同乎流俗。合乎汚世。不惟己身蒙蔽。卽子弟亦陷不義矣。孔子曰。里仁爲美。在人之善擇也。至于交友。更宜慎之。君子以文會友。以友輔仁。不擇人而友。則不如己者。從而倨傲之。不肖者。從而暱就之。多交

不如寡交。交友莫如擇友。吾之勸人。爲益友。勿爲損友。爲直諒之友。勿爲燕朋之友。君子貴德修于己也。後生曷不勉而行之。

慎終於始。第三十二章

帝君曰。古之聖人。有其始。必有其終。圖其終。必慎其始。君子不以身輕許人。不以事多許人。苟或不慎。爲山而未成一簣。作室而謀之道傍。吾見其止。未見其進也。聶政之愚。尙以母老家貧。却仲子之聘。唐睢之微。尙以國小地弱。辭秦王之易。吾人身列儒林。寧可不守聖賢信。

近於義之言而漫然輕諾人乎。至作事尤不可有始無終。舍舊圖新。南人有言。人而無恒。不可以作巫醫。夫巫醫尚不可作。况爲聖爲賢。可中道而止歟。是以功夫貴循序而進。層累而上。然後日有就。月有將。孔子之聖。自十五志學。至從心所欲。不踰矩而後已。不躡等而進。不半塗而廢。如此。爾小子慎。毋有始無終也。

如臨深淵如履薄冰第三十三章

帝君曰。人而不知恐懼修省。故履虎尾而不畏。涉春冰而不懼。若一有戰兢之心。自不敢暴虎。不敢馮河矣。夫

履霜而堅冰隨之。安樂而憂患伏之。君子安而不忘危。存而不忘亡。治而不忘亂。然後身安而家國可保。不然。剝盡則復。泰極則否。乃盈虛之理。消息之數。天道且然。而况于人乎。小子可不凜冰淵之戒哉。

上天之載無聲無臭第三十四章

帝君曰。天何言哉。日往則月來。月往則日來。日月相推而明生焉。寒往則暑來。暑往則寒來。寒暑相推而歲成焉。往來屈伸。天地之常理。福善禍淫。人世之常道。昔南宮适之問禹稷羿奭。聖人存而不答。所以示人各從其

志也。既而稱爲君子。稱爲尙德。微示其機焉耳。聖人之不言禍福。同于上天之無聲無臭。予尙何言哉。

志心敬禮

三清元始靈寶道德天尊以下各一拜

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君賜福赦罪解厄天

尊

東嶽天齊大帝威權自在天尊

九天開化梓潼元皇帝君更生永命天尊 三拜

文昌左右一切仙官真宰真君

職奉帝命。宣此天書。名曰心懺。心目交瘁。手口卒瘁。時
屆小春。帝臨丹闕。鳳鸞齊集。旌旆遙臨。高真過而稽首。
法駕至而拈香。炳炳鸞書。象同河漢。煌煌帝訓。揭如日
星。肅清靈府。震闢重關。弟子等衆。幸而聞茲聖教。自宜
積累修誠。職生非良。吏沒同腐。儒簡在帝心。忝居桂殿。
校書玉局。纂訂金科。倘托鬼迷人。援儒入墨。巡界之神
安在。斬魔之劍何存。固宜大彰報應。立顯神誅。或弟子

等衆。口誦心背。一暴十寒。諸神森列。列聖並臨。人鑒可
逃。天怒難遁。嗟乎。且氣猶存。浮生若夢。莫曰予老。貽悔
厥心。莫曰我愚。自喪所守。勿僅視爲陳言。毋自阻于中
道。或爲狂。或爲聖。端在修身。不負帝言。不負職戒。是在
小子。不勝激切顛望之至。恭請三界伏魔大帝神威遠
震天尊。天雷上相純陽帝君。興行妙道天尊。赤心忠良
斬妖護法王天君。城隍尊神。當境土地之神。佳居土地
之神。東廚司命之神。同降法壇。共證盟誓。鑒察申奏。以
聞。



